



Publicaziuns dalla vischnaunca, jamna 8

Votaziuns federalas

L'urna principala en casa communal ei aviarta sco suonda:

Sonda 27-2-2016 18.30–19.30

Dumengia 28-2-2016 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 26 da fevrer 2016, allas 17.00**, tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar grischa e serrar giu ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (**supplicauda francar**) ni directamein fierer en la scaffa da brev dalla casa communal.

Ils cedels da votar ston esser sil pli tard la sonda, ils 27 da fevrer 2016 allas 12.00 tier l'administraziun communal. Il certificat dil dretg da votar ei da suttascriber. **Senza Vossa suttascripziun cun agen maun ei la votaziun nunvaleivla.**

Suprastonza communal

Damondas da baghegiar

2016-1011.000

Datum dalla publicaziun: **Ils 26 da fevrer 2016**

Il patrun: Aluis Flepp-Hüppi, Via Clavaniev 3A, 7180 Disentis/Mustér

Il representant: Scrinaria Flepp SA, Via Pignola 6, 7180 Disentis/Mustér

Object: Sanaziun dil baghetg cun midada d'intent, parcella 1409, Via Clavaniev 13, 7180 Disentis/Mustér

2016-1012.000

Datum dalla publicaziun: **Ils 26 da fevrer 2016**

Il patrun: Uniun museum Stalusa, Via Alpettas 1, 7180 Disentis/Mustér

Il representant: Otmar Wetzler-Mirer, Via Alpettas 1, 7180 Disentis/Mustér

Object: Construcziun d'ina nova senda tier la fortezia Stalusa (museum), parcella 2550, Cauma, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 23 da fevrer 2016

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2016 – 1005.000

Martin e Marlene Venzin-Manetsch, Via Pintga 8, 7180 Disentis/Mustér; construcziun d'in balcon e



travestgida dallas fatschadas cun plattas d'eternit, parcella 814, Via Pintga 8, 7180 Disentis/Mustér.

Nr. 2016 – 1006.000

Richard Gadola e Therese Burri Gadola, Via Sontga Gada 4, 7180 Disentis/Mustér; sanaziun energetica e midadas internas, casa sin parcella 611, Via Sontga Gada 4, 7180 Disentis/Mustér.

Disentis/Mustér, ils 23 da fevrer 2016
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2016**, allas 20.15 en casa communal.

Tractandas:

1. Elecziun d'inA actuarA dil di
2. Protocol 28-2013/2016
3. Meglieraziun funsila: Project e credit (messadi nr. 38-2013/2016)
4. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Plan da quartier Via Veglia/Revisiun

Conclus davart la midada dil plan da quartier

Sin fundament d'in acquist da terren e l'adattaziun dil project da construcziun sin parcella 790 eis ei necessari d'adattar il plan da quartier Via Veglia. Tenor conclus dall'istanza da baghegiar duei il plan da quartier Via Veglia vegnir adattaus allas circumstanzias semidadas. La procedura davart il plan da quartier ed il regruppament da terren succedan el senn dallas precipziuns dils art. 51 e 65 dalla lescha davart la planisaziun dil territori pil cantun Grischun (LPT) e digl art. 16 e 21 dall'ordinaziun davart la planisaziun dil territori pil cantun Grischun (OPT).

Il plan da situaziun cugl intschesch pertuccaus dalla procedura ei publicaus naven dils 26 da fevrer entochen ils 29 da mars 2016 en casa communal (stanza nr. 10) duront las uras da spurtegl. La revisiun dil plan da quartier intenda surtut suandontas adattaziuns:

- Il regruppament da terren
- Adattaziun dils spazis da surbaghegiada sin las parcelas 787 e 790
- Nova repartiziun dallas surfatschas d'utilisaziun sin las parcelas 787 e 790
- L'economisaziun dils parcadis
- Ina modificaziun concernent l'altezia digl edifices
- Adattaziun dallas clavs per la repartiziun dils cuosts concernent la procedura resp. l'avertura.

Encunter il conclus davart l'introducziun dalla procedura per la revisiun dil plan da quartier ed igl intschesch pertuccau sa enteifer 30 dis dapi la publicaziun officiala vegnir inoltrau protesta alla suprastanza communal, caum postal 57, 7180 Disentis/Mustér. La protesta sto vegnir inoltrada a scret ed ei da motivar.

Disentis/Mustér, ils 23 da fevrer 2016
Suprastanza communal

Taxa da turissem 2016

L'istanza da taxaziun responsabla dalla vischnaunca ha tarmess als contribuents ch'ei en-
couschents ad ella il formular da declaraziun per la taxa da turissem 2016. Persunas ed interpre-
sas ch'han buca obteniu il formular da declaraziun, schebein ch'ellas han da prestar la taxa, ein
obligadas da reter il formular da declaraziun enteifer 10 dis tier l'administraziun communal.



Il formular da declaraziun per la taxa da turissem sa era vegnir cargaus giu sut la suandonta
aressa: <http://www.disentis.ch/turissem0.html?&L=0>

Grond engraziament per la collaboraziun.
Uffeci da taglia Disentis/Mustér

Neivatlon

L'uniun da giuventetgna Mustér, fracziun Vitg, organisescha **dumengia, ils 28 da fevrer** per la secunda gada in Neivatlon (Olimpiada d'affons) a Mustér/Caischavedra. L'idea da quell'occurrenza ei d'animar ils affons dad ir pli bia cun skis, insuma da far pli bia sport d'unviern e da haver in bi temps. En differents posts san ils affons promover lur inschign d'ir cun skis, els san seconcurrer, denton era haver legher e star da cumpignia. L'olympiada ei denton buca mo per affons, era carschi e giuvenils san separticipar, sco per exempel ils geniturs dils affons.

Differentas disciplinas, denter auter: Slalom, encurir barryvox, siglir liung, cuorsa da scarsola, stanga da sondar, minigolf, ruschnar da pinguin, eav.

Nua: Caischavedra, Palius, Pony

Tgi: affons, geniturs e carschi (affons che van aunc buca a scola mo en accumpigniamet d'in carschiu)

Annunzia ei buca necessaria.

FB: [facebook.com/UgMusterFracziunVitg](https://www.facebook.com/UgMusterFracziunVitg)

Exercezi regional dallas Uniuns samaritanas Tujetsch, Medel e Mustér a Dieni/Tujetsch

Mesjamna, ils 2 da mars 2016

Rimnada: Allas 18.45 avon halla Cons

Equipament: resti cauld, buns calzers ed ina cazzola da sac.

Igl exercezi ha liug da tutt'aura.

Suenter igl exercezi vegn purschiu a tuts participonts ina mudesta tscheina el Hotel Cresta, Dieni.

Sperond sin ina stedia participaziun salida cordialmein

Uniun Samaritana Mustér, menadra tecnic

Schubergiar e rugalar apparats d'udida

Gliendisdis, ils 29 da fevrer 2016 saveis Vus schar schubergiar e rugalar Vies apparat d'udida:

09.15–10.30 en Casa sogn Martin a Trun

11.00–11.40 en Casa sogn Giusep a Cumpadials

13.30–15.15 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Der CEO der SBB im Forum Kloster Disentis

Am **Freitag, 26. Februar 2016**, um 20.30 Uhr spricht im Peter-Kaiser-Saal der CEO der SBB, Andreas Meyer, über das Thema «Unterwegs zur smarten Mobilität».

Herzliche Einladung

Kloster Disentis, P. Urban Affentranger

Stallkino – Cinema Salaplauna



Film: Chasing Ice (USA 2012)

Mittwoch, 2. März, 19.30 Uhr, Reisebericht und Fotopräsentation aus Südgrönland, 20 Uhr Filmstart. Weltweit schmelzen Gletscher aufgrund der Klimaerwärmung ab. Der Naturfotograf James Balog dokumentiert den Gletscherschwund mit eindrucklichen Zeitrafferaufnahmen, gedreht in Grönland. Schönheit und Schrecken des Naturspektakels sind hautnah erlebbar.
